

欽定書經圖說

第十五冊

卷
四十至
四十三

欽定書經圖說目錄四十

周官八圖

巡行侯甸圖

四征弗庭圖

歸于宗周圖

三公坐論圖

六卿分職圖

朝于方岳圖

慎乃出令圖

王戒卿士圖

周官

周初法制日臻詳備而設官分職尤為一朝大典自武王奄
有天下官制草創成王時始大定之史臣錄其訓迪百官之
辭即以周官名篇亦訓體也

巡行侯甸圖

成王



四征弗庭圖



歸于宗周圖

京鎬



惟周王撫萬邦巡侯甸四征弗庭綏厥兆民六服羣辟罔不承
德歸于宗周董正治官王曰若昔大猷制治于未亂保邦于未
危曰唐虞稽古建官惟百內有百揆四岳外有州牧侯伯庶政
惟和萬國咸寧夏商官倍亦克用乂明王立政不惟其官惟其
人


宗周鎬京也董
督也乂治也

此三幅圖是寫成王撫有天下既勤外攘益修內治也史臣
敘周室設官用人之法謂成王既撫有萬邦以時巡狩於侯
甸諸國凡有抗命弗來貢於王庭者則率其六師四出征之
以綏安此億兆之人民是以六服諸侯莫不奉承周德六服
者謂侯服甸服男服采服衛服并畿內為六服之地上文單

言侯甸者舉近於王畿者言之耳王於是還歸鎬京督率整齊諸治事之官因示以立官制法之意曰在昔大道隆盛之世以治亂安危皆係於庶官當先幾以備之凡制治保邦之要均在未亂未危之前故治莫盛於唐虞其時民質事簡稽考古制建為百官內則有百揆四岳以總朝內之治外則有州牧侯伯以宣四方之化一切禮樂刑政無不協和天下萬國莫不乂安此唐虞建官之效也迨至夏商雖去古稍遠事亦稍繁設官之數不得不較唐虞為倍然皆統觀會通損益得宜繁簡允協亦能各著其治績蓋聖明之后建官所以立政不惟其官之多寡惟在得其人而已以故治安之效先後

同揆然則人之有裨於國家豈不重哉

三公坐論圖



六卿分職圖

校印

金定言然圖言卷四

五



今予小子祇勤于德夙夜不逮仰惟前代時若訓迪厥官立太
師太傅太保茲惟三公論道經邦燮理陰陽官不必備惟其人
少師少傅少保曰三孤貳公弘化寅亮天地弼予一人冢宰掌
邦治統百官均四海司徒掌邦教敷五典擾兆民宗伯掌邦禮
治神人和上下司馬掌邦政統六師平邦國司寇掌邦禁詰姦
慝刑暴亂司空掌邦土居四民時地利六卿分職各率其屬以
倡九牧阜成兆民

逮及也時是也若順也寅亮者敬而明
之也冢大也宰治也擾馴也阜厚也

此二幅圖是寫成王分設公孤六卿以立任官之綱要也成
王曰唐虞夏商建官之效既著明矣今予小子知修德者任
官之本故敬勤于德夙夜兢兢業業常恐有所不及予惟仰

承前制奉順不違以訓迪我在廷之百官使各盡其職共資
化理而已古時原有三公之官今則始立太師太傅太保為
周家一朝定制蓋師者導之教訓傅者傳之德義保者保其
身體所謂三公也三公名高位尊坐而論道以啟沃君心涵
養君德為職故推其道以經綸邦國則政教修明本其道以
調和陰陽則雨暘時若此其任大責重非得天下之道全德
備者豈足以居此官哉故官不必備有其人則置否則闕也
又立少師少傅少保是謂三孤孤者特也言雖為三公之貳
而非其屬官故曰孤也三孤之職所以副貳三公佐其經邦
之化而益宏之明其變理之功而益敬之皆輔弼予一人俾

昌明政教光大德業任匪易矣此外更設六卿以分掌庶政
一曰冢宰是為天官其職統治百官平均四海所掌者一國
之治道二曰司徒是為地官其職宣敷五教馴服兆民所掌
者一國之教化三曰宗伯是為春官其職治理神祀敬協人
和所掌者一國之典禮四曰司馬是為夏官其職總率六師
討平萬國所掌者一國之軍政五曰司寇是為秋官其職詰
發姦慝嚴刑暴亂所掌者一國之法禁六曰司空是為冬官
其職安宅四民時興地利所掌者一國之土地此六卿既各
有分職亦各有僚屬尤當以身為表率倡導九州之牧伯俾
亦知各率其屬以承流宣化於外則內外相維庶政修舉凡

所以養民教民衛民之法無不至斯民生厚而化功成矣此
篇與周禮六官可相互證彼為周公制治之書故不厭詳述
職守此為史臣記載之體故不嫌略舉綱要耳